

Dell Real Estate:

Desaroyado di Zoetry lo duna bario y bisindario atencion

ORANJESTAD - Dell Real Estate cu ta representa e desaroyadonan di Zoetry na Isla Di Oro ta indica cu a hiba informacion di e plan na e bario di pos Chikito y Savaneta. Tambe e desaroyadonan tin plan pa mehora e calidad di bida den e barioman aki banda di Zoetry, sosteniendo scol cu computer y drechando veld di deporte. Banda cu habitantenan lo tin prioridad pa yena cupo di trabou.

AMResorts, un coleccion di destinacion di resort di luho, cada un cu su mesun personalidad unico, a caba di anuncia recientemente su intencion di habri Aruba su prome berdadero ECO-resort na Isla Di Oro, bou di e marca di Zoetry Wellness & Spa resort. E marca di Zoetry ta ofrece un experiencia distinto di resort unda cu bienestar, sosiego y curamento ta combina cu oportunidadnan exclusivo pa participa den encuentronan cultural, artistico y educacional, como tambe actividadnan cu ta beneficia e comunidad local.

"Nos ta contento di por

yama AMResort bon bini na Aruba," segun e representante di e desaroyadonan, na nomber di Dell Real Estate NV e inversionistanan Arubiano orguyoso, "ya cu nan lo ta hisando e experiencia boutique pa un nivel nobo di luho, ofreciendo un vakantie di playa super bon cu acomodacionnan elegante, un spa di clase mundial, comemento gourmet y hopi otro amenidad pa malcria bo, cu e enfoke riba sostenibilidad."

Certificacion

Desaroyadonan di e Zoetry na Isla Di Oro a asumi e reto di crea un berdadero ECO resort, e prome na Aruba, y e prome propiedad den Caribe pa haya e certificacion di LEED. E certificacion di LEED, cual ta para pa "Leadership in Energy and Environmental Design," ta un di e sistemanan di certificacion di construccion sostenibel cu ta demanda mas hopi, cu un mandato di sostenibilidad integral, cu ta garantisa cu e proceso di diseño y construccion ta tene su mes na e reglanan di mas estricto y ta cumpli cu e asina yama Green Building Rating System.

Mas ainda, como un proyec-



to di diseño y construccion di infraestructura sostenibel, e Zoetry na Isla Di Oro tin e intencion di demostra un logro concreto den uzo di awa, uzo di energia, seleccion di material, uzo di calidad y innovacion ambiental, e representantenan ta sigui splica.

E criterio cu ta un mandato di LEED y lo wordo uza como e guia pa e desaroyo di e resort, lo introduci un era nobo, creando un proyecto cu ta cumpli cu e necesidadnan di e presente sin compromete e habilidad di futuro generacionnan pa cumpli cu nan necesidadnan. Cu un enfoke riba mantene e sostenibilidad di e sitio, e Zoetry na Isla Di Oro lo sirbi un niche special den Aruba su turismo, mientras cu e ta introduci eficiencia den awa y energia, haciendo bon escogencianan den diseño di loka ta trata e impacto ambiental di materialnan y recursonan uza, y instituyendo e miho practicanan ambiental pa e interior y exterior.

Contacto cu e bario

E compania di desaroyo a tuma contacto cu e bario, dunando presentacionnan porta pa porta tocante e plannan, cu a wordo ricibi cu hopi entusiasmo debi na e cuponan di trabou cu lo ta obtenibel pa e bario aki y e habitantenan di Savaneta/Pos Chikito y e bisindario lo haya e prioridad ora di aplica pa trabou. Historicamente, e propiedad

no a wordo uza desde 1995, y na e momento aki e no ta den un condicion cu nan por uza, y ta rekeri rehabilitacion completo. Mas ainda, e mas di 100 meter di mangrove cu ta crece den e area tambe ta rekeri atencion, ya cu hopi di nan ta afecta pa circulacion pover di awa y oxigeno, y ta den necesidad serio di rehabilitacion y mehoracion, cual Dell Real Estate NV tin pla-

general, e plannan pa desaroya Aruba su prome boutique ECO resort di clase halto, cu 63 bungalow, ta inclui plannan pa e mehoracion di bida den e area, pa asina hopi hende por beneficia di e proyecto for di su etapa di inception.

Con LEED ta funciona E LEED "Green Building Rating System" ta un programa boluntario di certifica-



nea pa haci.

Te awendia, mas di 150 firma di sosten a wordo ricibi. Adicionalmente, e compania di desaroyo y despues gerencia di e resort a priminti nan sosten continuo di e scolnan y facilidad deportivo den e area. "Nos kier ta berdaderamente bon pa e bario," tabata e palabranan di e representante di desaroyadonan na nomber di Dell Real Estate NV "y nos tin planea pa yuda cu un sala di computer na e scol di Pos Chikito y ta planeando mehoracion di e veldnan di futbol y baseball den e bario. En

cion cu tin e meta di reenforza y promove e prestacion halto di edificacionnan sostenibel. E arkitekto por evalua e edificio y ta inmediatamente na altura di e impacto di escogencianan haci den e diseño pa loka ta trata impacto ambiental, dividi den cinco categoria cu ta afecta salud humano y e medio ambiente. E categorianan aki na nan turno por wordo dividi den sub - rekisitonan pa evaluacion riba un base cientifico: Sitionan sostenibel. Eficiencia di awa. Energia y ambiente. Materialnan y recursonan. Calidad di e ambiente di interior. □